



Siamsin Awging

Zomi Siamsin Kipawlina

Universities – Kalay

To,

Motto: "Pilna in hong khan' sausak a, hauhna leh pahtawina zong hong pia hi." Paunak 3:16

Khol 1, Hawm 14

Estd. July 2006

November 29, 2006.

GAMBUP SIAMSIN SEMINAR NUAM MAHMAH

Yangon, Mandalay, Monywa le Kawlpi pan Siamsin mi 108 te 20.11.06 ni (Mon) zingsang nai 8:30 a.m in Tahan pan Tg. Khatpi Mawtaw tawh ding khia in, 11:00 am in Hiang zingah sunan kine a lam tawntung-ah lasa ziahziah in nuam kisa mahmah hi. Tedim Siamsin in Tedim khuamual ah hong dawn ngeingai uh-a, nitak lam nai 3:00 in Tedim, Khuado Hall kitungin inntek Tedim Siamsin in avot (lingmaw Juice) tawh vai muakna hong nei-in nuam mahmah hi. Nitak nai 7:00 in Siamsin khempeuh kipulakna kibawl a, Tg. Nang Lian Sang (2nd yr Psycho, Ygn) le Tg. Joseph Pau Lam Mung (BE, GTC, Kalay) te makaihna tawh kilawmtatna Social game tuamtuan kibawla nuam mahmah hi. 21.11.06 (Tue) ni 9:00 AM pan Seminar hun 2 vei, Gambup Siamsin meeting le makai kitelna kibawlin nitak ciang Seminar hun 1 le kamkidemna (debate) kibawl a nuam mahmah hi. 22.11.06 (Wed) ni-in zong sun hun Seminar 2 vei le tukpeng kimawlina kinei a, nitak ciang Ngeina lam tuamtuan lahna le Singsong Service kibwala nuam mahmah hi. 2006 kum sunga Zomi sung pan Ph.D. hong ngah Prof C. Thang Za Tuan le Dr. H. Gin En Cin tegel Siamsin min tawh Pahtawina laipi zong kipia hi.

21 ni le 22 ni sun hun awng sungin Tedim Zocia, Momno le TYF kipawlinate in moh le niangtui tawh hong vak uh a, gambup Siamsin min tawh lungdamna kiciamteh hi.

23.11.06 (Thu) ni zingsang nai 8:00 in Jeep-2 le Dyna-2 tawh Rih kipai-a Sun nai 12:00 in kitung hi. Rih pai mi 185 bang kipa hi. Rih-ah Man kila ziahziah in maikum 2007 ciang Siamsin Seminar bawl vai ding thu kikupna zong kinei-a nuam mahmah hi. Nitak nai 4:00 in Rih pan kiciah khia kik a, Laitui tun caing Laitui Siamsin Kipawlina te in Zo ngeina Zozu khum tawh vai hong dawn uh-a nuam mahmah hi. Laitui khua pan Kawlgam sunga om University le College tuamtuan ah Pilna sang sin mi 8 pha uh a, amau tungah Gambup Siamsin min tawh lungdamna kiciamteh hi. Nitak nai 9:00 in Tedim kitung kik a, nuam mahmah hi.

24.11.06 (Fri) ni zingsang nai 9:00 in Makai teng in Gambup Siamsin min tawh mailam-ah sep le bawl ding teng thu kikupna kinei hi. Sun 12:00 in Tedim pan lungzuang takin kiciah kik a Tedim Siamsin in Tedim khuamual ciang hong kha kik uh hi. 4:00 PM in Taingen kitunga an kine hi. Kalay University ah bang sukin nitak nai 6:30 in cidam takin Kawlpi kitung kik hi.

Kawl gam bup Siamsin Kipawlina ahi Zomi Siamsin Kipawlina, Universities - Myanmar min tawh Zogam, Tedim khuapi ah i bawl a 1 veina Siamsin Seminar le Rih ah Excursion paina ah hong kihel Siamsin mimal khempeuh in nuamsa mahmah ciat uh a, mai kum ciang gambup Siamsin Seminar 2 veina bawl kik ding hun kingaklah mahmah hi.

SEMINAR HUNGELNA LE HUNZATZIA

20.11.2006 (Mon)

3:00 PM *Tedim kitung*

7:00 PM *Kipulaakna le Social game*

21.11.2006 (Tue)

9:00 AM *Tuhun pilna bangci delh ding i hiam?*

By: Prof. Dr. C.Thang Za Tuan

Thukhupna: Siapi Pau Do Nang

1:00 PM *Zogam ah Singkung suan kikna.*

Written by: Pa Khup Khan Thang (USA)

Asim: Tg. Nang Suan Mung, MSc(Bot)

Thukhupna: Dr. C. Thang Za Tuan

3:00 PM *Meeting & Makai kitelna*

6:00 PM *Tumtentan leng Tangtung*

By: Pa Thang Khan Dal

8:00 PM *Kam Kidemna*

1 a. Pilna sangin hauhna thupi zaw hi.

b. Hauhna sangin pilna thupi zaw hi.

2 a. Zi le Pasal ding minam dangte hoih.

b. Zi le Pasal ding eimi mah hoih zaw.

22.11.2006 (Wed)

9:00 AM *I pu i pate maban zom ni.*

By: Siapi Pau Do Nang

Thukhupna: Dr. H. Gin En Cin

1:00 PM *Zomi le ICT*

Written by: Disciple Kap Sian, ZOCIA

Asim: Tg. Michael Suan Lian Pau

Thukhupna: Dr. C. Thang Za Tuan

3:00 PM *Tukpeng kimawlina*

7:00 PM *Ngeina laam lahna, Siapite Pahtawina Laipi piakna le Singsong Service.*

23.11.2006 (Thu) *Rih Excursion paina.*

24.11.2006 (Fri)

9:00 AM *Makaiteng meeting*

12:00 PM *Tedim pan kiciah kik.*

THUKIKUPNA PAN THU KIPSAKNA TENG

1. Mipi thukimna tawh Kawlgambup Zomi Siamsin Kipawlina kiphuan khia hi.
2. Kipawlina min dingin ZOMI SIAMSIN KIPAWLINA, Universities - Myanmar kikipsak hi.
3. Siamsin cih kammal in Tan-10 tung siah Pilna sang asin University, College, Institute tuamtuan le UDE (Galsin) sang naupang khempeuh huam khin hi.
4. Kum simin Seminar le Excursion bawl dingin kithumkim hi.
5. Maikum 2007 November kha sungin Kawlpi ah Seminar bawl ding le Gullu mualah Excursion pai dingin kithukim hi. A ni lian ding akicianin kiciangtan thei nailo hi.
6. Seminar bawl nadingin Budget Ks.2,000,000/- kigel hi. Ks.1,000,000/- pen Nu le Pa kiang le Gamdang mun tuamtuan ah huh nget ding le avaihawm dingin Tg. Michael Suan Lian Pau le Dr. Pau Sian

Lian te tavuan kipia hi. Ks.500,000/- pen innteeek a sem ding Kawlpi a om tengin ahi thei bangin vaihawm ding. Zomi Siamsin Kipawlina, Universities - Yangon pan Ks.150,000/-, Universities-Kalay pan Ks.150,000/-, Universities-Mandalay pan Ks.100,000/-, Universities-Monywa pan Ks.60,000/-, Universities-Magwe pan Ks.40,000/- kikumtek dingin kikipsak hi.

7. Gambup kipawlina min tawh kum simin Magazine bawl ding le sang kihon kik ciang Magazine Committee kish ding.
8. Siamsin mimal khempeuh in Zopuan neih ciat nangin Sangtekah kihanthawn dingin kithukim hi.

Gambup kipawlina Makaiteng

Pawl lutang : Thang Sawm Tung 1 st yr EP, B.Tech, GTC Kalay		
Ahuh 1	: Dal Khan Mung	3 rd yr Eco, Yangon
Ahuh 2	: Zam Khat Khai	2 nd yr Chem, Kalay
Thuzeekpi	: Suan Lian Mung	2 nd yr Hist, Kalay.
Ahuh 1	: Yin Sian Mung	2 nd yr Eco, Monywa
Ahuh 2	:	Mandalay.
Sumkem 1	: Cing Lawh Lian	M1 Phys, Kalay
Sumkem 2	: Cing Hau Lun	3 rd yr Business Science, Yangon.
Saziansit 1	: Nung Mung Thawn	2 nd yr MC, Magwe
Saziansit 2	: Khup Lam Cin	2 nd yr Hist, Kalay
Saziansit 3	: Do Za Thang	2 nd yr Eco, Monywa

Sub-Committee

Pawl tanu 1	: Nang Lian Mung	3 rd yr Chem, Yangon
Pawl tanu 2	:	Mandalay
Pawl tanu 3	: Langh Zam Thang	2 nd yr Eco, Monywa
Pawl tanu 4	: Kam Lian Tuang	2 nd yr GCC, Kalay
Pawl tanu 5	:	Magwe
Ngeina	: Cing Khat Thang	2 nd yr Bot, Kalay
	: Thang Van Mung	2 nd yr Eco, Monywa
	: Thang Mun Khai	Final part 1, MC (1), Yangon
	:	Mandalay
Kimawlina	: Nang Lian Sang	2 nd yr Psycho, Ygn.
	: Piang Suan Gen	2 nd yr Eco, Monywa
	: Suan Khan Khai	2 nd yr GCC, Kalay
	:	Mandalay
Lailam	: Pau Kim Tuang	3 rd yr Law, Yangon
	: Thang Khen Mung	1 st yr Chem, Kalay
	:	Magwe
	: Sian Nun Siam	3 rd yr MC, Mandalay
Tumging	: Gin Sian Tuang	2 nd yr GCC, Kalay
	: Nang Khawm Piang	2 nd yr Eco, Monywa
	: Tuang Sian Sang	2 nd yr IR, Yangon.
	:	Mandalay
	:	Magwe

LUNGDAM KOHNA

Seminar bawlina ding huhna hong kipia teng le Siamsinte Fund zonna pa sum ngah nateng.

1. Siamsin Fund

- 1) Universities-Kalay Ks. 63,000/-
- 2) Universities-Monywa Ks. 25,000/-
- 3) Universities-Mandalay Ks. 35,000/-
- 4) Universities-Yangon Ks. 50,000/-
- 5) Mawtaw sap ding sum don Ks.649,500/-

2. Huhna

- 1) Pa Khup Khan Thang (USA) Ks.100,000/-

- 2) Pa Gin Khen Thang (USA) Ks.100,000/-
- 3) Thomas On Sian Mung (USA) . Ks.100,000/-
- 4) U Vungh Lian Mang (USA) Ks. 65,000/-
- 5) Tg. Pau Mun Lian (Japan) Ks. 50,000/-
- 6) Zocia Kipawlina (Ygn+S'pore) .. Ks. 50,000/-
- 7) Pa Khai Deih Tuang (Tahan) Ks. 10,000/-
- 8) Pa Thang Suan Mung (Tahan) . Ks. 25,000/-
- 9) Pa Pau Cin Lian (Pinlong) Ks. 5,000/-
- 10) Dr.Thuam Khan Suan (Pinlong)Ks. 5,000/-
- 11) Pa Gopu+Nu Huaipi (Pinlong) .. Ks. 3,000/-

3. Tedim innteeekte zindo nading huhna

- 1) Pa Vungh Suan Pau (SKL) Ks. 10,000/-
- 2) Tg. Pau Kim Tuang (Yangon) ... Ks. 20,000/-
- 3) Pa Mang Lian Suum Zintunna
- 4) Pa Pum Khan Go Zintunna
- 5) Pa Kham Lian Thang ... Zintunna
- 6) Pa Hang Khan Khai Rih paina mawtaw hong vaihawm sak
- 7) Pa Vial Khan Dai Zin vakna hong huh
- 8) Pa. Hau Suan Lian Computer DTP khempeuh
- 9) Tg. Suang Za Nang Mawtaw free a hong zang sak
- 10) FBBC Tutna hong kawm
- 11) BBC Sound system
- 12) TTC Sound system
- 13) BEHS-1, Head master . Sound system hong kawm
- 14) TEO Tutna hong kawm
- 15) လျှပ်စစ်ပူး Mei hong pia
- 16) မြို့နယ်စည်ပင် Hall hong zang sak
- 17) TYF, Momno, ZOCIA Sun an ni 2 hong vak (Sum Ks.70000/- bei)

SEMINAR VAI SUM ZEEKNA

- | | |
|-------------------------------|---------------|
| 1. Tedim-Kalay mawtaw sap | Ks. 375,500/- |
| 2. Rih paina mawtaw sap | Ks. 600,000/- |
| 3. Rih paini sun siah | Ks. 15,200/- |
| 4. Lai tuamtuum bawlina | Ks. 35,150/- |
| 5. Tedim Hausa zumah min apna | Ks. 10,000/- |
| 6. Siapi Tuanno lamsap | Ks. 150,000/- |
| 7. Tedim innteeekte piak | Ks. 100,000/- |
| 8. Tedim innteeekte zindona | Ks. 553,700/- |
| 9. Video khui leina | Ks. 36,000/- |

Note: *Tedim innteeekte in zin hong dona sum teng-1 val leiba lai ahih manin loh kik zawh nadingin Siamsin mimal khempeuh in hanciam ciat ni.*

THU TUAMTUAM

Zomi ICT Seminar kibawl ding: December 3, 2006 ni 2:00-5:00 PM in Shalom EBC biakinn, Barlaan, Yangon ah ZOCIA makaihna tawh Zomi ICT Seminar kibawl ding hi. ZOCIA fund zonna Lucky Draw Opening Ceremony zong kibawl pah ding hi.

Study Guide kideih: Ciimnuai Pilna Sawm-ah Guide Sia sem thei ding pasal (4) kideih hi. Tan (10) Aung khin ahih leh kha sum Ks.10000/- pan Ks.12000/- le lai hilh man ngah ding hi. Degree ngah khin ahih leh kha sum Ks.13000/- pan Ks.15000/- le lai hilh man ngah ding hi. UDE (galsin) tawh pilna sin laitakte adingin hoih mahmah hi. 2006 December 1 pan nasep kipanpah thei ding ahih manin a lunglutte'n Ciimnuai Pilna Sawm zum le Tel-073-21317ah kidawp thei hi.